

نسخه سی ۱۰ غروشد

صاحبی، مدیری، محرری



اسلامك نفعنه خادم مقالات
مع الت شكر قبول ونشر اولونور

يازانك شخصيتي دكل، يازينك اهميتي
نظر دقتت آئينير .

كلن يازيلردن شايان قبول كوردولنلر
تاصيح سيرايله درج ايديلير .

عدد : ۳۵

محفصل

۱۳۳۸

دینی، علمی، ادبی، اجتماعی و شمیم بیک
شهری مجموعه در

۱۳۴۱ رمضان مخصوص نسخه

اداره خانه سی : آفسرایده
ملا کورانی محله سنده مهتر
سوقا غنده ۳ نومرولو خانه

مراکز وزیعی :

باب عالی جاده سنده (اتحاد
تجارت) کتبخانه سی

آبونه بدلی :

سنه لکی ۶۰ غرویش
آلتی آلتی ۳۰ »

جلد : ۳

مذمرجات :

محفصل دینی و علمی : رمضان شریف - طاهر المولوی . جمعه نمازی - طاهر المولوی . اوقات صلات -
احمد ضیا بك . دلم اسلام و عرقلر مسئله سی - سعدی بك . علم انواء - طاهر المولوی .

محفصل ادبی : مناجات - صادق افندی . نایه و حضرت مولانا یه - طاهر المولوی . ایکی رباعی -
توقادی زاده شکیب بك . غزل - حسین و صاف بك . غزل - طاهر المولوی

محفصل تاریخی : حضرت عائشه - فخر النساء کمال خاتم . جعفر بن ابی طالب - طاهر المولوی . اسعد
دده مرحومه دائر بعض خاطرات - طاهر المولوی .

مدینہ جوارندہ کی قبا قرہ سنی تشریف ایتش ، صالی ، چہار شنبہ ، پنج شنبہ کونلری اورادہ ، بنی عمرو بن عوف آراسندہ اقامت و مسجد لرینک تملنی وضع ایلہ دکن صو کر ا جمعہ کونی حرکت ایتش ، بنی سالم یوردندہ نماز وقتی اولغلہ اونرک مسجدندہ جمعہ بی قیلد بر مشدر .

ایوب صبری پاشا مرحوم (مرأت مدینہ) سندہ بو مسجدی شو وجہلہ کوستریور :

« مسجد الجمعه : بو معبد مبارک مدینہ طاهرہ شہریلہ قبا قرہ سنی آئندہ واقع (ذی صلب) و علی رواۃ (ذی رانونا) وادیسى داخلندہ و بو ایکی وادی صولری مجر الرینک نقطۃ التقاری یانندہ درہ بو مسجد لطیف ہجرت نبویہ شرف وقوعندہ امام الانبیا افندیمر حضر تیرینک ابتدا جمعہ نمازی قیلد قلری معبد شریف اولوب وادی ذی صلب میدانندہ و اطرافى آچیق بر حالہ ایدی . (عبدالصمد) نامندہ اهل خیرک بری تبرکاً اطرافہ بر آرشین یوکسکلکنندہ بر دیوار جکیز چکوب مسجد ہیئتہ قویدی . عبدالصمدک چکدیکی دیوار قارہ طاشدن معمول قورو بر دیوار جکیز اولدیغیدن بر مدت صو کر ا منہدم و خرابہ سى رفتہ رفتہ مندرس و منعدم اولمق حسیلہ اعجامدن بری مسجد ہیئتہ تجدید و مرور زمان ایلہ مائل انہدام و سقوط اولان سقہ فنی دخی خواجہ شہاب الدین قلاوون اصلاح و تأیید ایلہ دی .

زمانزدہ مسجد شریف مذکورک بر دیرہک اوزہ رندہ ایکی طاقی و دوز بر سقہ اولوب ۲۰ آرشین طولیلہ ۱۶ آرشین عرضی و اوسقی آچیق برده قوملنی واردر .

مسجد قبا

مسجد قبا بہ کنجہ : اوراسی قبا کوی اشراقدن

ای مسلمانلر ! اوکوندن بری باشم مست اولوب قالدی . اوروجک نہ کوزہل اقبالی ، بنجی و مرتبہ سى وارمش .

رمضانک شوہالاندن ماعدا صومک بر قری واردرکہ اوباسندہ کیزلہ نمش بر تورک کبی اوروج چادرندہ پنہاندر .

بو آیدہ ایدیلن دعالر مستجاب اولور . چونکہ :

اوروجلونک آہی ، فلکلری یرتوب کچر .

اوروج قویوسنک تضیقنہ تحمل کوسترن ،

نہایت یوسف کبی مصر عشقک مدیر امورى اولور .

صائمک آچاق تأثیریلہ یوزی صاراریرسہ

صوکنندہ اوروج دیباسندن بر خلعت گئی بر .

ای نطق ! صوص ، سحور داوولی کبی دان

دان اومہ . اوروجک نہ اولدیغنی ینہ اوروچلو

بولونانلر بیلیر .

طاهر المولوی

عبادات اسلامیہ دن :

جمعہ نمازی

قال ابن عباس رضی اللہ تعالی عنہما و أول جمعة جمعہا بنا رسول اللہ صلی اللہ علیہ وسلم بعد الهجرة فی المسجد الذی فی بطن وادی بنی سالم فہی أول جمعة جمعت بالمدينة لانه صلی اللہ علیہ وسلم قدم المدينة يوم الاثنين فأقام الثلاثاء والأربعاء والخميس فی بنی عمرو بن عوف و أسس مسجدہم ثم خرج من عندهم فأدرکتہ الجمعة فی بنی سالم فصلاہا فی مسجدہم - کشف الغمہ .

یعنی : ابن عباس رضی اللہ عنہما ذیرکہ : رسول اللہ صلی اللہ علیہ وسلم بعد الهجرة بزہ ایلک قیلد ریدنی جمعہ ، بنی سالم وادیسندہ کی نماز ایدی کہ مدینہ دہ قیلینان ایلک جمعہ نمازی دہ بوایدی . زیرا صلی اللہ علیہ وسلم افندیمر ، بازار ایرتہ سى کونی

(كلثوم بن الهمد) ك مریدی ، یعنی سطحنده
خرما قوروتولاجق عرصه سی ایدی .
علیه الصلوات اقدیمز ، بورانك تمنای مبارك ایلله
آتمش و مدینه یه عزیمتی طولانیسیله کالی کویلو به
براقشدی .

(لمسجد اسس علی التقوی) مدیحه جلیله سی
بو مسجد حقیقه درر قبا مسجدی ، حضرت عثمان
ایله عمر بن عبدالعزیز طرفندن توسیع و تزین
ایدیلش و ذوات متعدده نك همیسه مکرراً ترمیم
اولونمشدر . اك صوك تعمیری سلطان محمود ناینگ
اراده سیله اجرا قیلمشدر که ۱۲۴۵ تاریخنه مصادفدر .
علیه الصلوة اقدیمز ، قباي تشریف بیورونجه كلثوم
بن الهمد) ك خانه سنه مسافر اولمشدی . بو اوك
مسجد قبا قبله دیوارینك آرقه سنه تصادف ایتدیکی
ویرنده (مسجد فاطمه) نامیله بر معبد بولوندیغی ده
ینه مرأت مدینه ده محرردر .

هجرتدن مقدم مدینه ده جمعه نمازی

جمعه نك فرضیتندن اول و رسول اکرم اقدیمزك
مدینه یه هجرتندن مقدمه مدینه ده جمعه کونلری
نماز قیلمشدی .

مدینه لیلردن بر قسم خلق ، مسلمان اولوب
اونلر واسطه سیله ملک کنده مسلمانلق انتشاره باشلايجه
علیه الصلوة والسلام اقدیمزدن بر معلم ایسته مشلر ،
ذات اقدس رسالت ده مصعب بن عمیر کوندر مشلر
ایدی .

مصعب ، (ابو امامه اسعد بن زراره) نك
نزندن مسافر اولمش و اسعدك یاردیمله قرقه بالغ
اولان اهل ایمانی جمعه کونلری مدینه خارجنده
(نقیع الحضات) یاخود (نقیع الحضان) ده نیلن
موقعه طولایوب نماز قیلدیرمشدی . حتی شعرای
صحابه دن کعب بن مالکك اوغلی دیردی که :

« پدرمك کوزلرینه عمی کلدیکی وقت جمعه
کونلری کندیسنی مسجده کورتورورکن اذان
سسنی ایشیدینجه اسعد بن زراره یه رحمت او قور
ایدی . برکون سببی صوردم . اوغلم ، بزى اولا
جمعه نمازینه طولایان او ایدی . دیدی . اوزمان
قاچ کیشی ایدیکز ؟ سؤالنده بولوندم . قرق کیشی
ایدك . جوابی ویردی - معجم البلدان »

مابعدی وار طاهر المولوی

اوقات صلاة

محفل غرته سنك رجب آینه مخصوص اولان
نسخه سنده مصادف نظرم اولان (اوقات صلات) ه
عائد بن ده برایی سوز یازمق آرزوسنده بولندم .
یازدیغم شومقاله عادتاً بر نوع شرح و تطبیق قیدر .
علیه الصلوة والسلام اقدیمزك تعلیم بیوردقلری
اوقات صلاة ، ارضك هر نقطه سی ایچون قابل
تطبیق ولایتیغیر بر دستور پیغمبری اولدقلرندن
بودستورلر قنه تطبیق ایدیلیرسه هر کسك کندی
آ کلايشنه کوره تبدل ایتمك التباسدن قورتولونمش
اولور .

علم هیأتله متوغل علمای دین ، اوقات صلاتی
جناب پیغمبرك تعلیمنه استناداً بوجه زیر تعیین
وثبیت ایلشدر .

« وقت ظهر »

افقی بر زمینه شاقولاً دیکیلی بولان بر چوبوغك
کولکه سی اوکون ظرفنده اك زیاده قیصالدقندن
صوکره اوزامغه باشلادیغی آنده . وقت ظهر داخل
اولور . بوايسه فأنشمسك اوکونکی غایة الارتفاعك
چوبوغك طولنه فظراً تمام مماسی ، (فی زوال)
دینلان الكیصه کولکه کی اراؤه ایدر . غایة الارتفاع
شمس - شمس ، ارض اوزرنده بر موقعك
نصف النهارنده ایکن ، انجق پك مستتما موقعلرده ،